

En „Plattdütskbeupdragten“ för de Gemeen Osterfehn – of: „Vörsörger – Stön geven – Umsetten!“

„Wat sall dat nu denn al weer?“, sall sülk woll de een of anner fragen: „Wi proten doch elke Dag Platt, de up d’ Gemeen söll’n sük beter um anner Saken kümmern, as um so wat!“

Ok vör disse Lü, de daar nix van tomöt sehnt, sall dit Amt woll noch mal deenelk wesen. Leest man even wieder, wi verklaren Jo dat.

De Upgaav van en Plattdütskbeupdragten, ok Plattdütskberader nömt, besteiht daarin:

a) Stütten van dat Projekt „Plattdütsk bi d’ Arbeit“ (Vörsörger)

De Arbeitskreis „Tweesprakig Gemeente“ bi de Oostfreeske Landskupp befaatde sük al vör ruugweg 20 Jahren u.a. daarmit, dat de Lü, wenn se in ’t Raadhuus komen, ok in hör good bekannt plattdütske Spraak hör Wark nakomen könen. Daarmit dat ok in 10 of 15 Jahr noch so is, mutt al vandaag uppaast worden, dat ok dann noch genoeg Mitarbeiters in t’ Raadhuus arbeiten, de Platt verstahn un proten könn. De Plattdütskbeupdragten paassen good daarför up un unnerstützen de Gemeen bi Planens up dit Rebett.

b) Wenn Ji wat över of in plattdütsk weten willt, bün wi för Jo daar (Stön geven)

De een of anner Fraag kummt woll mal un denn is dat good, een in d’ Gemeen to hebben, de Jo bisied steiht un wat weet of weet wor man wat nakieken kann, en Nahkieksel paraat hett (Buurman of annern ...).

c) De „Europäische Charta för Regional- un Minderheitenspraken“ mit vörandrieven (Umsetten)

Siet 1. Januar 1999 giff dat de „Europäische Charta för Regional- of Minderheitenspraken“. Disse Charta seggt, dat dat Plattdütske u.a. as Regionalspraak blieven sall. De Landesregierung van Neddersassen hett overnohmen, in d’ Rahm van dat geldende Recht en Rieg van Schutz- un Fördermaßnahmen u.a. för dat Plattdütske vörtonehmen. De Plichten van de Verwaltungsämten stahnt in Artikel 10 van de Charta. Dat Umsetten van de nu al haast 20 Jahr olle Charta to unnerstützen un vörantodrieven, sall na Will van de Oostfreeske Landskupp ok en Upgaav van de „Plattdütskberaders“ wesen.

De oostfreeske Landskupp – Plattdütskbüro – is in Juli 2008 an all Amten in Oostfreesland rantreden un hett daarom beden, en Plattdütskbeupdragten to nömen, wenn mögelk van de faste Lü ut Raadhuus. Ok de politiske Will sull düdelk worden.

Disse Vörschlag kweem allerbest an bi d' Gemeen Osterfehn, daar wurden sotoseggen „Open Dören inlopen“. Un so besloot de Raad an 25. September 2008 eenstimmig, de Vörslag van d' Verwaltung un dat good Woord van de Verwaltungsausschuss natogahn un Joachim Feldkamp van 't Hauptamt van d' Gemeen disse Upgaav to overdragen.

För Jo daar is Jo Plattdütskberader

- bi d' Gemeen Osterfehn -Hauptamt-, Hauptstraat 117, 26842 Osterfehn, in Ruum 23,
- anropen könnt Ji hum unner 04952-80540
- un dör e-mail unner: Feldkamp@ostrhauderfehn.de